



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput IV. Obligatio & excellentia castitatis.

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

reorum : abstinentia moderatur delectationem cibi. - Sobrietas, delectationem potūs. Castitas, delectationem copulæ carnalis. Pudicitia, delectationem actuum ad copulam disponentium, scilicet amplexum, & tactum.

97 Actus abstinentiae est jejunium, de quo I. ult. de praceptis Ecclesiae. Sobrietati opponitur ebrietas, de qua to. I. I. 10. p. 2. c. 14. Specialia quedam de temperantia circa cibum & potum subiungemus cap. 7.

98 Castitas & pudicitia sunt virtutes carnalium voluptatum moderatrices; castitas quidem moderatrix carnalis commixtions, ne aliquid circa eam illicitum fiat; pudicitia vero, actuum ad illam disponentium, scilicet oscularum, tactum, &c. ut dixi.

99 Triplex est castitas, conjugalis, viduialis, virginalis. Conjugalis est propositum abstinenti propter Deum ab omni delectatione carnali cum non conjugi, nec eâ utendi cum conjugi, nisi juxta regulam rectæ rationis, divinæque legis. Viduialis est propositum vidui vel viduae abstinenti impotenterum propter Deum ab omni delectatione carnali experta. Virginalis (duabus prioribus excellentior) est propositum totâ vitâ abstinenti ab omni prorsus delectatione carnali propter Deum. Unde Ambrosius lib. I. de virginib. dicit, quod castitas virginalis est *expers contagionis integritas*. Et S. Thomas q. 152. a. 1. *Virginitas hoc importat, quod persona cui inest, immunit sit à concupiscentia adiustione, id est à voluntaria delectatione venerea, qua est ex seminis resolutione*. Quæ, ut ad 2. & 4. addit, dupliciter potest contingere. Uno modo, si procedat ex mentis proposito, & sic tollit virginitatem, sive fiat per concubinium, sive absque concubitu...

Alio modo potest provenire, vel dormiendo, vel per violeniam illaram, cui mens non consentit, quamvis caro delectationem experiat, vel ex infirmitate nature, ut patet in his qui fluxum seminis patiuntur. Et sic non perditur virginitas: quia talis pollutio non accedit per impudicitiam, quam virginitas excludit. Articulo vero 3. ad 3. explicans illud Hieronymi epist. ad Eustochium: Audentius loquar, cum omnia Deus possit, suscitare virginem non potest post ruinam, dicit, quod qui virginitatem peccando amissit, per penitentiam non recuperat virginitatis materiam, sed recuperat virginitatis propositionem. Quodque materia virginitatis miraculose reparari potest divinitus, scilicet integras membris; sed non formale, ita ut qui voluntariè expertus est voluptatem venereum, fiat non expertus. Non enim Deus potest facere, ut ea que facta sunt, non sint facta.

100 In 4. dist. 49. q. 5. a. 3. q. 1. ad 2. dicit, quod in continendo, secundum aliquid, majorem pugnam sustinent virgines, & secundum aliquid viduae, cateris paribus. Virginis

bus enim concupiscentiam inflamat experientia desiderium, quod ex quadam quasi curiositate procedit, quâ sit, ut homo libertus videat quia nunquam vidit. Et etiam quandoque eis concupiscentiam auget estimatio maioris delectationis, quâ sit secundum rei veritatem; sicut & inconsideratio eorum incommodeorum, quae delectationi hujusmodi adjunguntur. Et quantum ad hoc vidua minorum sustinent pugnam. Majorem autem, propter delectationis memoriam. Et in diversis unum alteri præjudicabit, secundum diversas hominum dispositions. *Quia quidam magis moverent hoc, quidam illo. Quidquid autem sit de quantitate pugnae; tamen hoc certum est, quod perfectione est victoria virginum, quam viduarum. Perfectissimum enim genus genus victoria est, & pulcherrimum, nunquam hosti cessisse. Corona autem non debetur pugna, sed victoria de pugna.*

Facilius tamen, secundum Augustinum, 102 à plerisque servatur castitas virginalis, quam conjugalis: *Multi (inquit I. de bono conjugali c. 21.) facilius se abstinent, ut non nanciatur ullâ delectatione, vel commixtione carnali, quam temperent, ut bene uiuant, quia difficile est non excedere mensuram in re vehementissime delectante. Et c. 22. Ego facilis non utar nuptiis, quibus est usus Abraham, quam sic utar nuptiis, quemadmodum est usus Abraham. Ita etiam inclitus Martyr Thomas Morus, qui (ut Stapletonus referit in ejus vita) narravit, quod cum austerioribus, & aliis mediis piis, motus carnis, qui in juventutis flore & fervore ardore solent, evincere se non posse sibi videretur, uxorem duxerit: sed postea non sine magna animi tristitia ac moerore dicere solitus fuerit, mulier facilis esse legem carnis in calibau vinclere, quam in matrimonio.*

C A P U T IV.

Obligatio & excellencia castitatis.

T Ametsi virginitas non sit de pracepto, 103 sed de consilio, iuxta illud: *De virginibus præceptum Domini non habeo, consilium autem do. Castitatem esse præceptam 6. & 9. præcepto, non est dubium. Præcepta vero ista (sicut & quintum, octavum, &c.) considerari possunt partim ut affirmativa, partim ut negativa. Quatenus affirmativa, præcipiunt castitatem externam, & internam, non virginalem, sed generalius sumptam, prout etiam in conjugatis reperitur. & prout ab Apostolo fumitur 2. Cor. 7. Mundemus nos ab omni inquinamento, carnis & spiritus, definiturque, virtus que venerorum voluptates secundum legem Dei moderantur. Quatenus negativa, prohibet usum istius voluptatis non conjugalem.*

Virtus ictius excellencia & perfectio 104 constat partim ex fortitudine, quam comi-

tem habet, quā potius quālibet mala tolerare, quām malo, seu impuritati consentire decrevit homo castus. Partim ex hoc quod legem carnis, seu rebellionē ipsius subiicit legi mentis. Partim denique ex fine ipsius, qui est sanctitas corporis & spiritū, in ordine ad placendum Deo. Unde tanto major est excellentia ipsius, quantō major & ferventior est amor, quo puritas & sanctitas corporis ac spiritū (inordinationi turpium delectationum opposita) amatur, quantō etiam majus & ferventius est desiderium per illam placendi Deo.

¹⁰⁵ Unde divina nos Scriptura docet, virtutem illam plurimum placuisse Deo in Patriarcha Joseph, cui propterē Deus dedit Prophetae spiritum, & intelligentiam somniorum. In Judith, quam Deus elegit ad liberationem populi Irael de manu Holofernis & ad confusione tam mirabilem exercitus ipsius, ut ipsi populus acclamaverit: *Tu latitia Irael, tu honorificata populi nostrī. Quia fecisti viriliter, & confortatus es cor tuum, eo quod castitatem amavisti*, & post virum tuum, alterum nescieris. Ideo & manus Domini confortavit te, & ideo eris benedicta in eternam. In Joanne Evangelista, qui a Christo dilectus fuit *privilegio amoris precipi*, ut Ecclesia canit in ejus officio, & ceteris aliis à Domino meritis honorari. Quare? *Quoniam specialis prerogativa castitatis ampliori dilectione fecerat dignum*. Sed præ ceteris omnibus in Beatissima Virgine Maria; ut enim Christus ostenderet quantum sibi castitas placeret, nasci noluit nisi ex Virgine, virginum omnium castissima, quæ, tametsi foret conjugata, noluit tamen, ut in sua conceptione actus conjugalis, quamvis licitus, interveniret.

¹⁰⁶ Nec Ecclesia permittit, ut alii, quām voto castitatis obstricti, Christum in altaris sacrificio tangant; imò ne quidem ut ad Subdiaconatum promoveantur, nisi eodem voto pariter adstricti, propter accessum Subdiaconorum ad istud sacrificium. Et quot Sancti & Sanctæ novi Testamenti maluerunt mori, quām libidine seu feedā voluntate feedari? Quot mediis in ignibus nescierunt ardere, matrimonio castitatem heroicā fortitudine sociantes. Quos inter Cassianus Collat..... agens de Abbatie Joanne, narrat, quod cum Abbas iste dæmoniacum liberare conaretur, nec posset, venit ad ipsum homo habitu sacerdotali, ad cuius adventum dæmon ab obfuso corpore statim effugit, confessus se propter sacerdotalem istum fugere. Admiratus Abbas, quomodo tanta in homine isto virtus esset, curiosius percuti ceperit (ait Cassianus) atque audit, ipsum olim, dum Monasticæ professionis desiderio teneretur, compulsum fuisse ad ducendam uxorem, cum qua jam annum undecimum in virginitate perseveraverat. De alio Sancto Ecclesiastico narrat Historia

ria, quod cum extraordinario castitatis & pudoris dono polleret, sequē nudare renisset ad pertransendum fluvium, quem aliter pertransire non poterat, ab Angelo miraculose transflatus fuerit, Deo manifestante, quām sibi gratus pudor ipsius esset.

Sunt quidem exempla ista Sanctorum, ¹⁰⁷ continentium se ab ipomet actu conjugali. Non ideo tamen existimandum, solam Deo placere castitatem virginalem, & vidualem (qualis fuit castitas Judith) imò plurimum ipsi placuit castitas conjugalis Abrahāmi, Saræ uxoris Tobiae junioris, aliorumque Sanctorum veteris Testamenti, in tantum, ut Abrahāmi castitatem Augustinus in lib. de bono conjugali, & de sancta virginitate preferat castitati plurimarum Virginum: eò quod Abraham affectu fuerit virgo, nec nisi intuitu Salvatoris ex se nascituri usus conjugio. Tantò verò excellentior, Deoque gratior est castitas conjugalis, quantō magis accedit ad virginalem, quoad affectum, & quanto magis eam imitari studeat, quantum status ipsius permittit.

Denique tanto commendabilior est castitas, quanto graviora sunt luxuria mala, à quibus liberat, & quantō majora bona, que secum affert. Neque enim minora bona ex castitate, quām mala ex luxuria proveniunt. Mens namque casta multò melius percipit ea quae Dei sunt, quām animalis homo, qui ea non percipit. De eaque intelligi potest beatitudo, de qua Christus ait: *Beati mundo corde, quoniam ipsi Deum videbunt*. Et hinc est, quod S. Joannes Evangelista præ ceteris Evangelistis, in contemplandis sublimibus Christianæ Religions mysteriis excellat, altiusque & sublimius alius tribus prædicationem suam, & de Domini divinitate, quomodo nullus alius, est locutus. Hoc enim eructavit, quod in convivio, super pectus Domini recumbens, de illo in secreto bibit. Quid plura? Castitas est, quæ *vas fragile, quid porarmus, in quo & crebro periclitamus* (ut monet Apostolus) in sanctificatione tenet. & honore, & iustar odoriferi balsami, sensu & artus continet, ne corrumpantur & putrefiant. Bernardus epist. 42.

C A P U T V.

Castitatis impedimenta, eorumque remedies.

Sanctus Thomas opusc. 35. alias 18. de ¹⁰⁸ perfectione vitæ spirituali. cap. 9. monet, tria esse impedimenta castitatis, seu continentiae. Primum ex parte proprii corporis: secundum ex parte anima: tertium ex parte exteriorum personarum, vel rerum. Ex parte quidem proprii corporis; quia, sicut Apostolus dicit ad Galat. 5. 15. caro concupiscit adversus spiritum, cuius carnis opera ibidem esse dicuntur, fornicatio, immunditia, impudicitas,

Sf 3